



Erh. 8/4. 1893


A. Z. : 19 de 1893



# STATUDS

volapükakluba valemik nedänik

„Balif mekom valüdi“.



## I. Tefü disein.

**Bagaf 1<sup>da</sup>.** Volapükaklub valemik nedänik panemöl „Balif mekom valüdi“ diseinom födami e pakami volapüka.

**Bagaf 2<sup>da</sup>.** Al rivön diseini at, klub labom medis suköl:

- a. Pübam yelabukila.
- b. Gevam yüfa finanik e votik Pakamablede, nogane cälik kluba.
- c. Födam pübama tidabukilas gudik plo volapük, timapenädas, pämas e penädas votik dö ed in volapük.
- d. Fomam e mödam bukakonletas literata volapükik pöfödü kopanals kluba.
- e. Födam stukama tidüpas volapükik.
- f. Dunön pükatis dö volapük.  
(Valikos at sobido stad käda kluba dälom atosi.)
- g. Spodön volapüko, e fovo dunön valikosi aikelos kanos pöfödön plöbi volapüka.

## II. Tefü kopanals.

**Bagaf 3<sup>da</sup>.** Kopanals kluba panindiloms in:

- Stimakopanals.
- Legivels.
- Kopanals leodik A en B.
- Kopanals spodöl.



704.112-B.ESP  
11  
17

**Bagaf 4<sup>da</sup>.** Stimakopanals kanoms vedön uts, kels eduinoms u nog duinoms dünis veütik volapüke u klube. Padanemoms fa lasam valemik sukü mödanum vögodas; no peloms yelamoni; laboms gitis valik kopanalas leodik ed i giti al givön vögodi konsälöl in lasams cifefa kluba.

**Bagaf 5<sup>da</sup>.** Legivels binoms kopanals ut, kels peloms yelamoni luüno süämü flons 2.50 käde kluba.

**Bagaf 6<sup>da</sup>.** Kopanals leodik A binoms kopanals ut, kels peloms yelamoni luüno süämü flons 1.50 käde kluba.

**Bagaf 7<sup>da</sup>.** Kopanals leodik B kanoms vedön uts, keles yelamon kopanala leodik A binom tu geilik. Peloms yelamoni süämü flon lafik e laboms gitis leigik äs kopanals leodik A.

**Bagaf 8<sup>da</sup>.** Kopanals spodöl — sekiko volapükans selänik (no nedänans) — kanoms binön uts, kels sedoms luüno telna a yel cifele penedi boso kuladik in volapük tefü stad volapüka in zümöp ud in län omsik. Cifel cödätom kioms spodotas binoms pötik al pasedön redakefe Pakamableda al paninsädön.

Kopanals at padanemoms fa cifef kluba, no peloms yelamoni e laboms giti al givön vögodi konsälöl in lasams valemik kluba.

**Bagaf 9<sup>da</sup>.** Kopanals valik — sekiko kopanals spodöl — laboms segun bagaf 29<sup>id</sup> giti, al dunön mobis cifefe al bepükam in lasam valemik e vögodön dö mobs valik, kels pabepükoms in lasam et.

**Bagaf 10<sup>da</sup>.** Kopanal alik sötom pelön yelamoni bü folul balid.

If yelamon no pepelom bü mälul balid, sekretan 1<sup>id</sup>-kädan flagom medü potakit yelamoni pemödöl ko potamon.

Ut, kel nevilom pelön täno, kanom pamosumön de kopanalalised.

Ut, kel bü mälul balid no epenodom kädane, das klemom as kopanal, pacedom blibön denu kopanal du yel bal.

### III. Tefü cifef.

**Bagaf 11<sup>da</sup>.** Cifef kluba kosietom se: cifel, blacifel, sekretan 1<sup>id</sup>-kädan, sekretan 2<sup>id</sup> e läsiel 2.

**Bagaf 12<sup>da</sup>.** Kopanals cifefa paväloms fa lasam valemik sukü mödanum lefulik vögodas plo tim yelas tel. Blacifel, sekretan 2<sup>id</sup> e läsiel yunikün balidno (in lasam valemik in 1892, jölul) te plo yel bal.

Kopanals dethidöl cifefa binoms denuvälnik foviko.

**Bagaf 13<sup>id</sup>.** If in fegonam yela cal sembal cifefa vedom vagik, tän cifef gevom cali et kopanale votik kluba, jüs välam nulik zidom in lasam valemik nilikün.

**Bagaf 14<sup>id</sup>.** Cifel jäfom e leodom kudadinis valemik volapüka in län lölik; pladalom klubi visü selän; dukom lasamis e kudom das statuds paföloms.

**Bagaf 15<sup>id</sup>.** Blacifel sumom, du mobin eventuik cifela, pladi ata, kodo cifel sötom kudön mögiküno, das pladal oka ai nolom kulado stadi dinas.

**Bagaf 16<sup>id</sup>.** Sekretan 1<sup>id</sup>-kädan befulom, pos bekonsälam ko cifel spodi ninlänik, ninsumom yelamonis, dilekom kädi kluba e duinom dunöfis valik kelis cal oka koblinom.

No dunom delidis pläleodik nen zepam cifela.

**Bagaf 17<sup>id</sup>.** Sekretan 2<sup>id</sup> spodom ko selän.

**Bagaf 18<sup>id</sup>.** Läsiedels kovoboms so mödo as binos mögik, al födön plöbi kluba.

**Bagaf 19<sup>id</sup>.** Plovin alik pagovom fa cif (jicif) plovinik, peyuföl fa konsälans, töbo bal a kopanals 25, kelas bal calom as sekretan.

Cifs (jicifs) plovinik laboms giti al givön vögodi konsälöl in lasams cifefa.

**Bagaf 20<sup>id</sup>.** Cifs (jicifs) plovinik padanemoms nu nog fa cifef. Sosus in plovin sembal luüno topaklubs kil sabinoms, ats väloms cifi (jicifi) plovinik sukü mödanum vögodas.

Vögodam zitom penädiko e topaklub alik labom vögodi bal, jüs lasams plovinik kanoms zitön.

Cifel kluba sludom if vögods plo e ta binoms leigik.

Sekretan e konsälans plovinik paväloms leiko segun mob cifa (jicifa) plovinik, ab om (of) sludom, if vögods plo e ta binoms leigik.

Ünü dels 14 cifef getom nuni tefü välam ezitöl.

**Bagaf 21<sup>id</sup>.** Cifs (jicifs) plovinik pladaloms plovinik oksik visü cifef. Sedoms yelanunodi cifefe bü balul 15<sup>id</sup> tefü stad volapüka e klubas in plovin oksik du yel efegonöl.

#### IV. Tefü klubs topik.

**Bagaf 22<sup>id</sup>.** So mödo as binos mögik in tops valik Nedäna klubs topik sötoms pafünön.

If luüno kopanals vel kokömoms kanoms fünön topaklubi.



**Bagaf 23<sup>id</sup>.** Topaklub alik sötom lensumön statudis kluba valemik.

Deno topaklub alik kanom lonön statudis lönik oka, kels nedoms ai zepami cifefa.

**Bagaf 24<sup>id</sup>.** Laf yelamonas kopanalas leodik A pagüvom topaklubes se käd valemik, ab güvam at no pagivom yelamonas kopanalas leodik B. Zu topaklubs kanoms lonön yelamoni dabalik kopanalas oksik.

**Bagaf 25<sup>id</sup>.** Cifs klubas pladaloms klubi oksik visü cif (jicif) plovina oksik.

Cifs at sedoms yelo bü balul lid yelanunodi tefü stad kluba oksik cifefe.

## V. Tefü lasams valemik.

**Bagaf 26<sup>id</sup>.** Luüno balna in yel lasam valemik zitom. Plogam lasama at pasedom kopanales valik luüno mul bal biseo.

**Bagaf 27<sup>id</sup>.** In lasam at sekretan lid-kädan nunodom tefü stad volapüka in län obsik du yel efegonöl e kalügom tefü mons pegetöl e pesegivöl.

Komitef kopanalas kil pödanemöl du lasam fa cifef xamöm kalügami e disapenom ati pos zepam.

**Bagaf 28<sup>id</sup>.** Cifef lofom lasame düvi plo yel suköl. Dünayel alik gonom des velul balid jü mälul lätik.

**Bagaf 29<sup>id</sup>.** Kopanals, kels vipoms dunön mobi sembal in lasam valemik, sedoms ati luüno muls tel biseo sekretane lid.

**Bagaf 30<sup>id</sup>.** Lasam valemik pläleodik sötom pakobovokön fa cifel segun vip de kopanals luüno fol cifefa u de kopanals leodik luüno 25.

**Bagaf 31<sup>id</sup>.** Lasam sludom penädiko tefü pösods e mudo tefü dins, tefü lätiks sukü mödanum vögodas. Cifel sludom, if vögods plo e ta binoms leigik.

**Bagaf 32<sup>id</sup>.** Tim e top plo lasam valemik nilikün pabepükom in lasam e palonom latikumo fa cifef ma dinäds.

**Bagaf 33<sup>id</sup>.** Sekretan lid plotogom bepükamis, danemamis e sludotis lasamas; plotog at palilädom in lasam nilikün e pos zepam padisapenom fa bisiedel lasama.

## VI. Tefü yelabuk.

**Bagaf 34<sup>da</sup>.** Nemü klub valemik cifef pübom yelo bü kilul 15<sup>id</sup> yelabuki, kel pasedom glato kopanales valik kluba.

Yelabuk at ninöfom:

- a. Dusüki stada volapüka in yel efegonöl.
- b. Nemalisedi lefulnik kopanales kluba valemik.
- c. Valnikosi in volapük.

## VII. Tefü Pakamabled.

**Bagaf 35<sup>da</sup>.** „Pakamabled nedänik“ pacedom binön nogan calik kluba. Pakamabled papenom in volapük e sobido binos zesüdik in nedänapük.

**Bagaf 36<sup>da</sup>.** Klub gevom Pakamablede läpoloti, kela süäm palonom yelo in lasam valemik. Plo atos nunod lefulnik tefü lasam valemik ezitöl paninsädöm in nüm nilikün pos lasam valemik.

Zu cifef kanom gebön spadi bosik in nüm alik bleđa plo nuns calik e votik tefü klub.

**Bagaf 37<sup>da</sup>.** Labal bleđa lonom bonedasüämi en, ab kopanales kluba no binoms pemütöl al bonedön bleđi.

## VIII. Tefü xam spodelik.

**Bagaf 38<sup>da</sup>.** Xam spodelik zitom yelo balna u telna. Cifel danemom diseinü atos komitefi binöl pösods lul.

Komitef at ployegom plogami xama at, sedom ati cifele al zepam e ninsädöm vüdi al kosteifam in Pakamabled ed in bleđs kösömik anik.

Steifan alik pelom fl. 0.75 as güvi delidas zesüdik.

**Bagaf 39<sup>da</sup>.** Dipeds pögevöl padisapenoms fa cifel, fa bisiedel e sekretan komitefa.

## IX. Tefü statuds.

**Bagaf 40<sup>da</sup>.** Statuds at polovepoloms in volapük, pobükoms in püks bofik e posedoms kopanales alik plo cents 25 a samäd.

**Bagaf 41<sup>da</sup>.** Statuds kanoms pavotön te in lasam valemik sembal. Votamob alik sötöm panotön in plogam lasama valemik e mob at sötöm palensumön fa kildils tel vögodas plisenanas.

**Bagaf 42<sup>id</sup>.** Mob al dismitön klubi sötom palensumön fa foldils kil vögodas plisenanas.

## X. Jötonams.

**Bagaf 43<sup>id</sup>.** Cifef sludom in fals ut valik, in kels statuds at lonoms nosi.

**Bagaf 44<sup>id</sup>.** Statuds at laboms valüdi foviko.

Also pelonöl e pesludöl in lasam valemik in Amsterdam, 1892, jölul 27<sup>id</sup>.

E. F. L. HAASTERT,  
*Cifel.*

L. DEN HARTOG,  
*Sekretan 1<sup>id</sup>.*

# STATUTEN

DER

Algemeene Nederlandsche Wereldtaalvereeniging

„Balif mekom valüdi”.



## *I. Doel der Vereeniging.*

**Art. 1.** De Algemeene Nederlandsche Wereldtaalvereeniging onder den naam „Balif mekom valüdi” heeft de bevordering en verspreiding van volapük ten doel.

**Art. 2.** Ter bereiking van dat doel worden de volgende middelen aangewend:

- a.* Het uitgeven van een jaarboekje;
- b.* het verleenen van finantieelen- en anderen steun aan „Pakamabled”, het officieel orgaan der Vereeniging;
- c.* het bevorderen van de uitgave van goede leerboekjes voor volapük, van tijdschriften, brochures en andere geschriften over en in volapük;
- d.* het aanleggen en uitbreiden van bibliotheken van volapük-literatuur ten dienste van de leden der Vereeniging;
- e.* het bevorderen van het oprichten van leercursussen voor volapük;
- f.* het houden van voordrachten over volapük; dit alles voor zoover de stand van de kas der Vereeniging zulks toelaat;
- g.* het correspondeeren in volapük, en verder al wat tot bevordering van den bloei van volapük kan strekken.



## *II. Van de Leden.*

**Art. 3.** De leden der Vereeniging worden onderscheiden in:  
Eereleden.

Donateurs.

Gewone leden A en B.

Correspondeerende leden.

**Art. 4.** Eereleden kunnen zij worden, die gewichtige diensten aan volapük of aan de A. N. W. hebben bewezen of nog bewijzen.

Zij worden door de alg. verg. bij meerderheid van stemmen benoemd, betalen geene contributie, en hebben behalve al de rechten der gewone leden, ook het recht, in de vergaderingen van het Hoofdbestuur eene adviseerende stem uit te brengen.

**Art. 5.** Donateurs zijn zij, die eene jaarlijksche contributie van minstens *f* 2.50 aan de kas der Vereeniging betalen.

**Art. 6.** Gewone leden A zijn zij, die minstens *f* 1.50 contributie 'sjaars betalen.

**Art. 7.** Gewone leden B kunnen zij worden, voor wie het bedrag der contributie van een gewoon lid A te bezwarend is. Zij betalen eene contributie van 50 Cts. 'sjaars en staan overigens ten volle met de gewone leden A gelijk.

**Art. 8.** Correspondeerende leden — uitsluitend buitenlandsche volapükisten (niet-Nederlanders) — kunnen zij zijn, die minstens tweemaal 'sjaars een eenigszins uitvoerigen brief in volapük aan den cifel zenden over den toestand van volapük in hunne omgeving of in hun land. De cifel oordeelt, welke van die correspondentiën geschikt zijn, aan de redactie van „Pakamabled” ter plaatsing daarin opgezonden te worden.

Deze leden worden door het Hoofdbestuur benoemd, zij betalen geene contributie en hebben op de alg. vergaderingen eene adviseerende stem.

**Art. 9.** Uitgezonderd de correspondeerende leden hebben alle leden het recht, overeenkomstig art. 29, voorstellen ter behandeling op de alg. verg. aan het Hoofdbestuur te doen en over alle op die verg. behandeld wordende voorstellen te stemmen.

**Art. 10.** Ieder lid is verplicht, de contributie vóór den 1 April van elk jaar te betalen. Wanneer de contributie vóór den 1 Juni niet aan den Penningmeester zal zijn gezonden, wordt door dezen in den loop dier maand over het verschuldigde, met verhooging

van het port, per postkwitantie beschikt. Hij (zij), die alsdan weigert te betalen, kan van de ledenlijst worden geschrapt.

Hij (zij), die vóór den 1 Juni niet schriftelijk aan den Penningmeester zijn (haar) lidmaatschap heeft opgezegd, wordt geacht weder voor één jaar lid te blijven.

### *III. Van het Bestuur.*

**Art. 11.** Het Hoofdbestuur bestaat uit den Cifel, Blacifel, Sekretan 1<sup>id</sup>-kädan, Sekretan 2<sup>id</sup> en 2 Läsiedels.

**Art. 12.** De leden van het Hoofdbestuur worden door de alg. verg. bij volstrekte meerderheid van stemmen gekozen voor den tijd van twee jaren. De Blacifel, Sekretan 2<sup>id</sup> en de jongste (in leeftijd) der twee Läsiedels voor de eerste maal (op de alg. verg. in Aug. 1892) slechts voor één jaar.

Aftredende leden van het Hoofdbestuur zijn terstond herkiesbaar.

**Art. 13.** Komt in den loop van het jaar eene betrekking in het Hoofdbestuur vacant, dan wordt door het Hoofdbestuur een ander lid der Vereeniging daarmede belast, totdat op de eerstvolgende alg. verg. eene nieuwe keuze wordt gedaan.

**Art. 14.** De Cifel regelt en behartigt de algemeene belangen van volapük door het geheele land, vertegenwoordigt haar tegenover het buitenland, leidt de vergaderingen en zorgt voor de handhaving der statuten.

**Art. 15.** De Blacifel neemt bij ontstentenis van den Cifel diens plaats in en wordt daarom door dezen zooveel mogelijk op de hoogte der zaken gehouden.

**Art. 16.** De Sekretan 1<sup>id</sup>-kädan voert in overleg met den Cifel de binnenlandsche correspondentie, int de contributiën, beheert de kas der Vereeniging en verricht verder alle werkzaamheden, uit zijne betrekking voortvloeiende. Zonder toestemming van den Cifel mogen door hem geene buitengewone uitgaven gedaan worden.

**Art. 17.** De Sekretan 2<sup>id</sup> belast zich met de buitenlandsche correspondentie.

**Art. 18.** De Läsiedels werken zooveel mogelijk mede om de belangen der Vereeniging te helpen bevorderen.

**Art. 19.** Iedere provincie wordt bestuurd door eenen Cif (jicif) plovnik, bijgestaan door Konsälans, hoogstens op elke 25 leden één, waarvan één de betrekking van Sekretan vervult.

De Cifs (jicifs) hebben in alle vergaderingen van het Hoofdbestuur eene adviseerende stem.

**Art. 20.** De Cifs (jicifs) plovnik worden voorloopig door het Hoofdbestuur benoemd, zoodra in eene provincie drie of meer klubs vrik bestaan, kiezen deze den Cif (jicif) plovnik bij eenvoudige meerderheid van stemmen.

Zoolang er geene provinciale vergaderingen worden gehouden, geschiedt deze stemming schriftelijk en heeft iedere club ééne stem.

Bij staking der stemmen beslist de Cifel der Vereeniging.

De Sekretan der provincie en de Konsälans worden op voordracht van den Cif (jicif) plovnik op dezelfde wijze gekozen, doch bij staking der stemmen beslist hij (zij).

Van de gedane keuzen wordt binnen 14 dagen bericht gezonden aan het Hoofdbestuur.

Alle leden van het provinciale Bestuur worden voor den tijd van twee jaren benoemd en zijn terstond herkiesbaar.

**Art. 21.** De Cifs (jicifs) plovnik vertegenwoordigen hunne (hare) provincie tegenover het Hoofdbestuur.

Zij zenden vóór den 15 Januari een verslag, betreffende den toestand van volapük in hunne (hare) provincie in het afgelopen jaar, aan het Hoofdbestuur.

#### *IV. Van de plaatselijke klubs.*

**Art. 22.** In alle plaatsen van ons land moeten zooveel mogelijk vpaklubs opgericht worden.

Zoodra zich minstens 7 leden vereenigen, kunnen zij een klub oprichten.

**Art. 23.** Elke plaatselijke klub is verplicht de statuten der Algemeene Vereeniging aan te nemen.

Desniettenstaande kunnen zij zelve een reglement voor hunne klub vaststellen, dat ter goedkeuring aan het Hoofdbestuur moet opgezonden worden.

**Art. 24.** Aan de plaatselijke klubs wordt  $\frac{1}{2}$  der contributie van de gewone leden A der Vereeniging uit de algemeene kas der Vereeniging vergoed, terwijl van de contributie der gewone leden B geene vergoeding wordt toegestaan. Bovendien kunnen zij eene extra contributie hunner leden vaststellen.

**Art. 25.** De Voorzitters der klubs vertegenwoordigen hunne klub tegenover den Cif (jicif) hunner provincie.

Zij zenden jaarlijks vóór den 1 Januari aan den cif (jicif) hunner provincie een verslag over hunne klub.

### **V. Van de algemeene vergaderingen.**

**Art. 26.** Minstens eenmaal per jaar wordt eene algemeene vergadering der Vereeniging gehouden. Het programma dier vergadering wordt den leden minstens ééne maand te voren toegezonden.

**Art. 27.** De sekretan lid-kädan brengt in die vergadering een verslag uit over den staat en de vorderingen van volapük in ons land gedurende het afgelopen jaar en doet rekening en verantwoording van zijn beheer.

Eene Commissie van drie leden door het Hoofdbestuur te benoemen, ziet die rekening en verantwoording staande de vergadering na en teekent ze na goedkeuring.

**Art. 28.** Het Hoofdbestuur biedt der vergadering eene begrooting voor het volgend dienstjaar aan.

Elk dienstjaar loopt van 1 Juli tot ult. Juni.

**Art. 29.** Leden, die eenig voorstel op de alg. verg. wenschen te doen, zenden dit twee maanden te voren aan den sekretan lid.

**Art. 30.** Eene buitengewone alg. verg. moet bijeengeroepen worden door den cifel op verlangen van minstens 4 leden van het Hoofdbestuur, alsmede op dat van minstens 25 stemgerechtigde leden.

**Art. 31.** De vergadering beslist schriftelijk betreffende personen en mondeling betreffende zaken, over de laatste bij eenvoudige meerderheid van stemmen. Bij staking der stemmen beslist de cifel.

**Art. 32.** Tijd en plaats voor de eerstvolgende vergadering worden op de alg. verg. besproken en later door het Hoofdbestuur naar omstandigheden vastgesteld.

**Art. 33.** Van iedere vergadering worden notulen opgemaakt, in de volgende vergadering voorgelezen en na goedkeuring door den Voorzitter der vergadering geteekend.

### **VI. Van het yelabuk.**

**Art. 34.** Namens de Vereeniging geeft het Hoofdbestuur jaarlijks vóór of op 15 Maart een yelabuk uit, dat gratis aan alle leden der Vereeniging wordt toegezonden.

Dit yelabuk bevat:

- a. Een overzicht van den staat en de vorderingen van volapük in het afgelopen jaar.
- b. Eene volledige naamlijst der leden van de Alg. Ned. Wereldtaalvereeniging.
- c. Eenig mengelwerk in volapük.

### *VII. Van Pakamabled.*

**Art. 35.** „Pakamabled nedänik” wordt als officieel orgaan der Vereeniging beschouwd. Het wordt in volapük, en voor zoover dit noodig blijkt te zijn, in het Nederlandsch geschreven.

**Art. 36.** Pakamabled ontvangt van de Vereeniging eene subsidie, waarvan het bedrag telkens door de alg. verg. voor een jaar wordt vastgesteld.

Daarvoor wordt in het eerstvolgend nummer na eene alg. verg. een volledig verslag van die vergadering geplaatst.

Verder kan het Hoofdbestuur over eenige ruimte in elk nummer van het blad beschikken voor de opname van Bestuurs- en andere officieele mededeelingen aangaande de Vereeniging.

**Art. 37.** De eigenaar van het blad bepaalt den abonnementsprijs ervan, doch ieder lid der Vereeniging is vrij, er zich al of niet op te abonneeren.

### *VIII. Van het Spodel-examen.*

**Art. 38.** Er wordt elk jaar van wege de Vereeniging een of tweemaal een examen gehouden voor het verkrijgen van het diploma van „Spodel” volapüka.

De cifel benoemt daarvoor eene Commissie van 5 leden.

Deze Commissie ontwerpt het programma van dit examen, zendt het ter goedkeuring aan den cifel en plaatst eene uitnoodiging tot deelneming aan dit examen in Pakamabled en in eenige gewone dagbladen.

Ter bestrijding der noodzakelijke onkosten wordt door iederen deelnemer 75 Cts betaald.

**Art. 39.** De uit te reiken diploma's worden door den cifel, den president en den secretaris der examen-commissie geteekend.

### *IX. Van de Statuten.*

**Art. 40.** Deze statuten zullen in volapük vertaald en in beide talen gedrukt aan alle leden toegezonden worden tegen betaling van 25 Cts per exemplaar.

**Art. 41.** Voorstellen tot veranderingen of bijvoegingen worden slechts dan als aangenomen beschouwd, wanneer  $\frac{2}{3}$  der uitgebrachte stemmen zich daarvoor verklaart; deze voorstellen moeten voorkomen op het programma voor de algemeene vergadering.

**Art. 42.** Bij eventueele ontbinding der Vereeniging besluit eene laatste alg. verg., wanneer minstens  $\frac{3}{4}$  der aanwezige leden zich hier vóór verklaart.

### ***X. Slotbepalingen.***

**Art. 43.** Het Hoofdbestuur beslist overigens in alles, ten opzichte wanneer in deze statuten niets is bepaald, de rechtstreeksche belangen der Vereeniging rakende.

**Art. 44.** Deze statuten treden terstond in werking.

Aldus vastgesteld in de algemeene vergadering  
gehouden te Amsterdam op den 27 Augustus 1892.

**E. F. L. HAASTERT,**  
*President.*

**L. DEN HARTOG,**  
*1<sup>e</sup> Secretaris.*